



UGOVOR O IZRADI 3D MODELA DEPADANSA JU MUZEJA SARAJEVA

Zaključen između:

1. TechBosnia d.o.o. Sarajevo, sa sjedištem u Sarajevu ul. Terezija bb, 71 000 Sarajevo, ID broj: 4202696180004 zastupani po direktoru Dacić Tahiru, (u daljem tekstu pružalac usluge).

i

2. Javna Ustanova Muzej Sarajeva, sa sjedištem u Sarajevu ul. Josipa Štadlera br. 32, 71 000 Sarajevo, ID broj: 4200645360005 zastupani po v.d. direktoru Adnan Muftarević, (u daljem tekstu primalac usluge).

Član 1.

(predmet ugovora)

(1) Predmet ovog ugovora je 3D Modeling – snimanje prostora u 2D slikama te formiranje istih u virtualnoj realnosti (3D) na lokacijama:

- Depadans Muzeja Sarajeva - Muzej Sarajevo 1878 – 1918, ulica Zelenih beretki 1, Sarajevo 71000
- Depadans Muzeja Sarajeva - Muzej Jevreja, ulica Velika avlija Laure Papo Bahorete, Sarajevo 71000
- Depadans Muzeja Sarajeva - Svrzina kuća, ulica Glođina 8, Sarajevo 71000
- Depadans Muzeja Sarajeva - Despića kuća, ulica Despićeva 2, Sarajevo 71000
- Depadans Muzeja Sarajeva - Brusa bezistan, ulica Abadžiluk 10, Sarajevo 71000

Član 2.

(cijena i način plaćanja)

(1) Ukupna vrijednost usluge iz stava 1 prethodnog Člana ovog Ugovora iznosi: 2.500,00 KM (slovima: dvijehiljadepetstotina i 00/100 konvertibilnih maraka).

(2) Plaćanje ugovorenog iznosa iz stava 1 ovog Člana Primalac usluga će izvršiti u roku od 60 (šesdeset) kalendarskih dana od dana zaključenja ovog ugovora na račun broj: 1413065320206106, otvoren kod BBI bank international d.d. Sarajevo.

Član 3.

(rok i mjesto izvršenja ugovora)

(1) Pružalac usluga je obavezan predmetne usluge iz člana 1. stav 1 ovog ugovora

pružiti/izvršiti u roku od 14 (dana) od dana zaključenja ovog ugovora.

(2) Mjesto pružanja usluga iz člana 1. stav 1 ovog Ugovora je na Web adresi JU Muzeja Sarajeva www.muzejsarajeva.ba:

Član 4.
(prava i obaveze)

(1) Usluge iz člana 1. ovog Ugovora podrazumijevaju:

- Obilazak prostora, izrada idejnog Rješenja za snimanje prostora
- Snimanje prostora
- Modeliranje 2D slika u 3D snimak (Virtuelnu realnost)
- Uređivanje prostora na web lokaciji
- Aktiviranje prostora za dijeljenje putem linka

(2) Pružalac usluga se obavezuje da Primaocu usluga pružiti usluge iz Člana 1. Ovog Ugovora, a primalac usluga se obavezuje da za pruženu uslugu isplati cijenu iz Člana 2. ovog ugovora.

(3) Pružalac usluga se obavezuje da će predmetne usluge pružati savjesno u skladu sa pravilima struke i nauke, te da prilikom pružanja usluga primaocu usluga neće prouzrokovati bilo kakvu štetu.

Član 5.
(ugovorna kazna)

Ukoliko pružalac usluga svojom krivicom, ne izvrši sve radove u ugovorenom roku, dužan je primaocu usluga za svaki dan zakašnjenja platiti 1% od ukupno ugovorne cijene, s tim da ukupan iznos ne može preći sumu od 10%.

Član 6.
(stupanje ugovora na snagu)

Ovaj ugovor stupa na snagu danom obostranog potpisivanja od strane ovlaštenih lica ugovornih strana.

Član 7.
(Rješavanje sporova)

(1) Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorene strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

(2) Ukoliko ugovorne strane ne postignu mirno rješenje eventualnog spora u smislu

stava 1. ovog člana, ugovara se nadležnost suda u Sarajevu, uz primjenu pozitivnog prava Bosne i Hercegovine.


Član 8.
(Ostale odredbe)

Ovaj ugovor je zaključen u 4 (četiri) jednaka primjerka, od kojih svaka ugovorna strana zadržava po 2 (dva) primjerka.

PRUŽALAC USLUGA

Direktor

Tahir Dacić



Broj: 01/19


Sarajevo, 6.11.2019.



PRIMAOC USLUGA

v.d. Direktora

Adnan Muftarević



Broj: 30P-01-3/2019
Sarajevo, 6.11.2019.

